

Mazarin  
2952

Questions en forme de dialogue...

UNIVERSITY OF N.C. AT CHAPEL HILL



00023007103

RARE BOOK  
COLLECTION



THE LIBRARY OF THE  
UNIVERSITY OF  
NORTH CAROLINA  
AT  
CHAPEL HILL  
Mazarin  
2952



QUESTIONS  
EN FORME  
DE DIALOGUE,

Du Conseil de Conscience, au  
Conseil d'Etat. Avec les  
Responses.



A PARIS,  
Chez FRANÇOIS NOEL, rue Saint Iacques, aux  
Colomnes d'Hercules.

---

M. DC. XLIX.

*Avec Permission.*



QUESTIONS

EN FORME

DE DIALOGUE

De Conseil de Conscience au  
Conseil d'Etat Avec les  
Reponses



PARIS, Chez François et Jean Lesclapart, Libraires, au Palais National, sous le Vestibule, par le Portail du Nord, vis-à-vis l'Académie des Sciences.

1789



QUESTIONS EN FORME  
de Dialogue.

DU CONSEIL DE CONSCIENCE,  
*au Conseil d'Estat. Avec les Responses.*

QUESTION PREMIERE.



Ous vous demandons, Messieurs, si les Princes doiuent auoir des Fauoris.

RESPONSE.

Nous demander' Messieurs, si les Princes doiuent auoir des Fauoris près de leurs personnes, c'est nous demander si les Rois sont libres en leur condition, ou s'ils doiuent viure comme des Esclaues. Vous sçauiez bien que ces Estres Sacrez, sont des petits Dieux terrestres, qui peuuent absolument disposer de leurs volontez, & faire toutes les choses qu'ils croiront leur estre agreables. L'amour & la haine ne sçauroient auoir aucune iurisdiction sur l'esprit des mortels qui ne releuent de leur empire, comme souuerains independans de la part des hommes, ils peuuent non seulement auoir des passions à leur mode: mais encore ils peuuent pour leur fatisfaction particuliere, en vser tousiours en faueur de qui il leur plaira: & comme personnes douées de la part de Dieu d'un veritable franc & liberal arbitre, ainsi que le reste de ses creatures; ils peuuent pareillement de mesme, vouloir, desirer, & faire à leur mode, si quelque reuers de fortune ne les precipitoit du faiste de leurs grandeurs, dans l'abisme de ses disgraces.



## OBJECTION A LA RESPONSE.

Mais, Messieurs, s'est-il veu iamais Fauory, qui n'ait absolument abusé des graces de son Maistre? Que ne fit pas Seianus, Fauory de Tibere, contre vn Prince qui l'auoit eleué dans des charges & dans des honneurs incroyables? Il l'auoit fait si grand, qu'à peine le peut-il deffaire: il fallut que la ruine de l'Estat fut le fondement de sa grandeur, aussi bien que la cause de sa perte.

Caïlina apres auoir esté mis dans vne prodigieuse fortune, par vn Peuple qui s'estoit rendu Maistre de toute la terre, ingrat à tant de faueurs qu'il en auoit receuës, n'extermina-t'il pas le Senat? ne dissipa-t'il pas les tresors publics? & ne renuersa-t'il pas toute la Republique? Cinna surnommé Lucius Cornelius, ne fut pas si tost comblé de biens & de gloire, par Cesar Auguste, à qui mesme ce grand Prince auoit sauué la vie, qu'il conspira contre luy, tant il estoit possédé d'une ambition qui n'en eut iamais de pareille. Antoine, Lepidus, & Auguste mesme, ne mirent-ils pas le fer & le feu dans le sein d'un Estat à qui ils auoient des obligations eternelles.

Les Histoires Sainctes, curieuses & prophanes, ne nous fournissent que trop d'exemples de cette nature. Vn nombre infiny de ces sangsuës publiques, ont fait plusieurs fois succomber les grandeurs des Royaumes les plus florissans, pour assouuir vne ambition qui ne scauroit iamais estre assouuie. Et apres cela, Messieurs, vous voudriez conclure que les Princes doiuent auoir des Fauoris, veu qu'ils sont si traistres & si parricides à leurs Souuerains, si tyrans à l'Estat, & si funestes au Peuple.

Dieu veut que les Princes soient sauez, & veritablement il n'est pas moins mort pour eux, que pour le reste des hommes. Et comment se pourroit-il faire que cela fut, s'ils estoient la cause de tous les crimes que leurs Fauoris exercent.

De grace, dites moy si ces Tyrans seroient en estat de mettre en pratique, toutes les voleries qu'ils font sur le pau-  
ure



ure peuple, s'ils n'estoient appuyez directement ou indirectement de la faueur & de l'autorité du Prince. Et quand mesme le Souuerain seroit si touché de l'Esprit de Dieu, qu'il abhorreroit toutes leurs procedures; cela ne suffiroit pas pour les absoudre de l'offense qu'ils commettroient, de ne leur pas oster les moyens de tyranniser ses Suiets, & de piller tout le monde.

## SOLUTION.

Si le Prince n'auoit que des inclinations moderées, & des liberalitez equitables pour le fauory; & que le fauory fust sans orgueil, sans ambition, & sans flaterie, la question se pourroit resoudre en sa faueur; mais ces rencontres d'humours ne se trouuent que par miracle en leur personne.

## QUESTION DEUXIESME.

Nous vous demandons encore Messieurs, si les Fauoris des Princes doiuent gouverner les affaires de la Monarchie.

## RESPONSE.

A qui est-ce, Messieurs, que les Princes se doiuent le plus confier de leurs affaires, qu'à ceux qu'ils ont tirez du neant, & qu'ils ont esleuez au plus haut faiste de la fortune? sur la foy de qui se doiuent ils le plus asseurer, que sur celle d'une personne qu'ils ont comme enchassée dans les honneurs, dans les biens, & dans les prosperitez les plus desirées. De qui peuvent-ils esperer plus de reconnoissances, plus de fidelité, que des soins, & des veilles des hommes qu'ils ont comblez de tresors, de charges, de dignitez, de grandeurs, & de toutes les felicitéz que nous scaurions desirer icy bas sur la terre. Dieu veut que l'on donne pour recevoir, & ce bon Seigneur promet le centuple à ceux qui donneront vn verre d'eau à ses seruiteurs, & pour son amour, & pour sa gloire. Si les biens-faits n'ont pas des charmes assez puissans pour attacher dignement vn serui-



teur aux intereffs de son Prince, ie ne croy pas qu'il soit li-  
 cite d'en attendre d'ailleurs, ny d'esperer qu'il puisse viure  
 parmy les fubiets, dans vne parfaite affeurance. Les tygres,  
 les pantheres, les ours feroient en ce cas-là beaucoup plus  
 excellens, & plus nobles que nous ne sommes pas. Et le  
 Ciel leur auroit communiquez des sentimens, ou pour  
 mieux dire, des vertus dont toute la nature humaine feroit  
 incapable. Nous voyons apparemment que ces animaux  
 quelques irraisonnables qu'ils puissent estre se piquent d'a-  
 mour, & de fidelité enuers ceux qui les ont obligez, & qui  
 leur ont rendu quelque feruice. Androde ferf Dacien, s'e-  
 ftant retiré dans vn desert pour euitier la fureur de son Mai-  
 ftre, se mit fi bien dans les bonnes graces d'un lyon auffi  
 prodigieux que redoutable, qu'à quelque temps de là, ayant  
 esté repris, puis exposé à la mercy de ces bestes feroces, où  
 ce mefme animal auoit esté mis, il en fut tellement fecou-  
 ru, que ce monstre ( pour n'estre pas ingrat aux feruices  
 qu'il luy auoit pû rendre ) le preserua miraculeusement de  
 la rage & de la fureur des autres animaux qui s'eflançoient  
 sur luy pour le deuorer, & par ce moyen, ce pauvre crimi-  
 nel trouua son salut au mefme lieu où son destin l'auoit af-  
 feuré de fa perte. Il n'est pas croyable que les Fauoris des  
 Princes fussent plus mefconnoiffans que ces miserables  
 brutes, ou que ces peuples irraisonnables. Le Prince n'a  
 pas si peu d'esprit de porter ses inclinations sur des obiets  
 vicieux & imparfaits, ny de communiquer ses liberalitez à  
 la mefme ingratitude. La crainte de Dieu les rend bien-  
 heureux, & son adorable Maiefté ne s'oublie iamais de  
 donner vn fainct mouuement à toutes leurs inclinations, &  
 de presider en l'eleftion qu'ils doiuent faire d'un parfait  
 Ministre d'Eftat, & d'un genereux confident de leurs plus  
 fecretes penfées. C'est pourquoy ils ne fcauroient faillir de  
 s'en reposer sur la foy, sur la vigilance, & sur la probité des  
 Fauoris que le Ciel leur choifit pour le bien de l'Eftat, &  
 pour le foulagement de leurs peuples.



## OBIECTION A LA RESPONSE.

Quoy que les Princes soient doüez d'un merueilleux iugement, & d'une admirable conduite, & que Dieu soit toujours prest de les assister en la parfaite election d'un excellent Ministre d'Estat, ils ne laissent pourtant pas d'agir vainement en la recherche qu'ils en font; & mesme d'estre deceus aux choix qu'ils en scauroient faire. La nature de l'homme fut si peruertie en la cheute de nostre premier pere, que ses sens n'ont iamais sceu faire du depuis que se reuolter contre luy, & de luy susciter par des obiets deceuans, vne estrange confusion d'images mal conceuës. Le desir d'acquiescer des biens & de l'honneur, est vne passion si extreme & si violente, qu'il n'est point d'ame si bien reglée qui luy puisse resister, & qu'elle ne rende aussi peu raisonnable que fidelle. Enfin, pour se trouuer digne d'une charge si eminente, il faudroit auoir des qualitez que les hommes du monde n'ont pas, & qui se trouuent à peine parmy les Anachorettes.

## SOLUTION.

S'il se trouuoit vn Fauory qui ne voulut iamais flestrir sa reputation d'aucun acte d'infidelité, qui eust vne connoissance parfaite des affaires, qui fust scauant à toute sorte d'occurrences, qui n'eust rien à cœur que le bien du Prince, de l'Estat, & de la Patrie, qui ne visast qu'à rendre à chacun ce qui luy appartient, & qui ne conclust iamais rien, ny par chagrin, ny par colere, nous pourrions opiner en sa faueur: mais toutes ces vertus ne se scauroient trouuer en vn mesme suiet que par miracle.

## ADVIS AV LECTEUR.

*J'ay, cher Lecteur, quelque cinquante ou soixante Questions de mesme nature: Si j'apprens que celles que ie te presente te soient agreables, ie continuëray à te faire voir le reste. Adieu.*











